



**NORMATIV-HUQUQIY HUJJATLAR
LOYIHASINI ISHLAB CHIQISH VA
KELISHISHNING YAGONA ELEKTRON TIZIMI**

ID-2969 (V-1)

O'zbekiston Respublikasi Vazirlar Mahkamasi Qarori

**Tadbirkorlik faoliyati subyektlarilarning bojxona sohasidagi
muammolarini o'rganish va hal etish bo'yicha**

**Tadbirkorlik faoliyati subyektlarilarning bojxona sohasidagi
muammolarini o'rganish va hal etish bo'yicha Apellyatsiya kengashi
to'g'risida**

Tadbirkorlik faoliyati subyektlari uchun tashqi savdo operatsiyalarini amalga oshirish borasida qulay shart-sharoitlar yaratish, ularning huquq va erkinliklari ishonchli himoya qilinishini ta'minlash, bojxona organlari hamda tadbirkorlik faoliyati subyektlari o'rtasidagi nizolarni tezkor ko'rib chiqish va adolatli hal etishning samarali tizimini joriy etish, bojxona sohasidagi huquqbuzarliklarning oldini olish tizimini yanada takomillashtirish maqsadida:

1. Bojxona qo'mitasining iqtisodiyot tarmoqlari va yirik ishlab chiqaruvchi korxonalar tomonidan narx kalkulyatsiyasi haqidagi ma'lumotlarni har chorakda bojxona organlariga taqdim etib borish to'g'risidagi taklifi ma'qullansin.

2. Tadbirkorlik faoliyati subyektlarining bojxona sohasidagi muammolarini o'rganish va hal etish bo'yicha Apellyatsiya kengashi (keyingi o'rinlarda – Apellyatsiya kengashi) to'g'risidagi Nizom 1-ilovaga, Apellyatsiya kengashi tarkibi 2-ilovaga muvofiq tasdiqlansin.

3. Belgilansinki,

Apellyatsiya kengashi faoliyati qonuniylik, xolislik, kollegiallik hamda oshkoralik tamoyillari asosida tashkil etiladi hamda uning a'zolari jamoatchilik asosida faoliyat olib boradi;

Apellyatsiya kengashi faoliyatini tashkiliy-texnik jihatdan ta'minlash O'zbekiston Respublikasi Bojxona qo'mitasi tomonidan amalga oshiriladi.

4. Quydagilar Apellyatsiya kengashining asosiy vazifalari etib belgilansin:

yurtimizda qulay tadbirkorlik muhitini yaratish borasidagi bojxona sohasi bilan bog'liq muammolarni aniqlash va ularni bartaraf etish bo'yicha o'z vakolati doirasida choralar ko'rish;

tadbirkorlarning bojxona sohasidagi muammolarini o'rganib borish, ularning murojaatlarini ko'rib chiqish hamda vakolati doirasida tegishli choralarni amalga oshirish;

tovarning bojxona qiymatini belgilash, bojxona bojlari bo'yicha berilgan imtiyozlarni to'g'ri qo'llash va tovarlarning bojxona qiymatini belgilash, shuningdek, bojxona sohasidagi huquqbuzarliklar kelib chiqishining oldini olish borasida bojxona organlariga uslubiy yordam ko'rsatish.

5. Mazkur qarorni nazorat qilish O'zbekiston Respublikasi Bosh vazirining o'rinbosari – iqtisodiyot va moliya vaziri J. A. Qo'chqorov zimmasiga yuklansin.

O'zbekiston Respublikasining
vaziri

Bosh
A. Aripov

Vazirlar
Mahkamasining
2024-yil “___”
oktabrdagi ___-son qaroriga
1-ilova

**Tadbirkorlik faoliyati subyektlarining bojxona sohasidagi
muammolarini o'rganish va hal etish bo'yicha Apellyatsiya
kengashi to'g'risida
NIZOM**

1-bob. Umumiy qoidalar

1. Mazkur Nizom Tadbirkorlik faoliyati subyektlarining (keyingi o'rinlarda – Tadbirkorlar) bojxona sohasidagi muammolarini o'rganish va hal etish bo'yicha Apellyatsiya kengashi (keyingi o'rinlarda – Apellyatsiya kengashi) maqomi, vazifalari, huquq va majburiyatlari, shuningdek, faoliyatini tashkil etish tartibini belgilaydi..

2. Apellyatsiya kengashi o'z faoliyatini O'zbekiston Respublikasining xalqaro shartnomalari, O'zbekiston Respublikasi Konstitutsiyasi va qonunlariga, O'zbekiston Respublikasi Oliy Majlisi palatalarining qarorlariga, O'zbekiston Respublikasi Prezidentining farmonlari, qarorlari va farmoyishlariga, Vazirlar Mahkamasining qarorlari va farmoyishlariga, shuningdek, ushbu Nizomga va boshqa qonunchilik hujjatlariga muvofiq amalga oshiradi.

3. Apellyatsiya kengashi o'z faoliyatini davlat organlari, boshqa tashkilotlar, mansabdor shaxslar va fuqarolardan mustaqil ravishda qonuniylik, xolislik, kollegiallik hamda oshkoralik tamoyillari asosida tashkil etadi.

Apellyatsiya kengashi a'zolarining faoliyati jamoatchilikka asoslanadi.

4. Apellyatsiya kengashi o'z vakolatlari doirasida tadbirkorlarning bojxona sohasidagi muammolarini mustaqil aniqlab, ularni bartaraf etish uchun tavsiyalar ishlab chiqadi, tadbirkorlarning bojxona nazorati va rasmiylashtiruv jarayoni bilan bog'liq murojaatlarini ko'rib chiqib hal etadi.

2-bob. Apellyatsiya kengashining asosiy vazifalari

5. Quyidagilar Apellyatsiya kengashining asosiy vazifalari hisoblanadi:

tadbirkorlarning bojxona sohasidagi muammolarini o'rganib borish, ularni hal etish choralarini ko'rish;

tadbirkorlarning murojaatlarini o'z vakolatlari doirasida ko'rib chiqish;

tovarning bojxona qiymatini belgilash, jumladan bojxona qiymatini belgilash usulli, taqdim etilgan hujjatlar va ma'lumotlarni hamda boshqa manbalar asosida o'rganish orqali tovarning bojxona qiymati bo'yicha yakuniy qarorlar qabul qilish;

iqtisodiyot tarmoqlari va yirik ishlab chiqaruvchi korxonalar tomonidan narx kalkulyatsiyasi haqidagi ma'lumotlarga asosan tovarlarning bojxona qiymatini belgilash;

bojxona bojlari bo'yicha berilgan imtiyozlardan samarali foydalanish borasida tadbirkorlar va bojxona organlari o'rtasida yuzaga kelgan nizolar yuzasidan bojxona organlariga tavsiyaviy xulosalar berish;

bevosita bojxona organlarining tashabbusi bilan amaliyotda vujudga kelayotgan muammoli va nizoli holatlarni ko'rib chiqib, tavsiyaviy xulosalar berish;

bojxona sohasi bilan bog'liq huquqbuzarliklar kelib chiqishining oldini olish bo'yicha bojxona organlariga uslubiy yordam ko'rsatish;

3-bob. Apellyatsiya kengashining huquq va majburiyatlari

6. Apellyatsiya kengashi quyidagi huquqlarga ega:

davlat organlari, fuqarolarning o'zini o'zi boshqarish organlari, nodavlat notijorat tashkilotlaridan Apellyatsiya kengash vakolatlariga taalluqli masalalar bo'yicha ma'lumotnomalar, axborot-tahliliy materiallarni belgilangan tartibda so'rash va bepul olish;

murojaat etuvchilar, shuningdek, boshqa manfaatdor shaxslardan murojaatni ko'rib chiqish uchun zarur bo'lgan qo'shimcha materiallar va ma'lumotlarni so'rab olish;

o'z vazifalarini amalga oshirish, xususan, murojaatlarni ko'rib chiqishda davlat organlari, ilmiy va ta'lim muassasalari, nodavlat notijorat tashkilotlari, iqtisodiy tarmoq korxonalari, tijorat uyushmalari, yirik ishlab chiqaruvchi korxonalardan mutaxassislar va ekspertlarni jalb qilish.

Apellyatsiya kengashi qonunchilik hujjatlariga muvofiq boshqa huquqlarga ham ega bo'lishi mumkin.

7. Apellyatsiya kengashi o'z faoliyatini amalga oshirishda quyidagilarga majbur:

qonunchilik hujjatlariga va mazkur Nizom talablariga qat'iy rioya qilish;

tadbirkorlarning qonun bilan qo'riqlanadigan huquq va manfaatlarini buzilishiga yo'l qo'ymaslik hamda ularning faoliyatiga doir tijorat siri hisoblanuvchi ma'lumotlarni oshkor etmaslik;

fuqarolarning sha'ni va qadr-qimmatini kamsitishga, ularning shaxsiy hayotiga aralashuvga yo'l qo'ymasligi;

murojaatni ko'rib chiqish yuzasidan qabul qilingan xulosalar haqqoniyligini va asoslanganligini ta'minlashi;

davlat organi faoliyati bilan bog'liq qonunchilik hujjatlarida belgilangan cheklovlarga amal qilishi;

davlat organi va uning mansabdor shaxslarining o'z vakolatlari doirasida amalga oshiradigan faoliyatiga aralashmasligi;

davlat organi va uning mansabdor shaxslari faoliyat ko'rsatishi uchun to'sqinlik qilmasligi;

murojaatni ko'rib chiqish davomida olingan axborotning, agar bunday axborotni tarqatish qonunchilik bilan cheklangan bo'lsa, sir saqlanishiga rioya qilishi.

Apellyatsiya kengashiga qonunchilik hujjatlariga muvofiq boshqa majburiyatlar ham yuklanishi mumkin.

4-bob. Apellyatsiya kengashi faoliyatini tashkil etish tartibi

8. Apellyatsiya kengashining tarkibi 15 nafar a'zodan kam bo'lmagan holda O'zbekiston Respublikasi Vazirlar Mahkamasi tomonidan tasdiqlanadi.

Apellyatsiya kengashi tarkibiga uning raisi, rais o'rinbosari, kotibi va boshqa a'zolari kiradi.

Apellyatsiya kengashi a'zoliciga amaliy tajribaga va obro'-e'tiborga ega bo'xona organlari hamda vazirlik va idoralarning markaziy apparati tarkibiy bo'linmalari rahbarlari va xodimlari, shuningdek, sohada katta amaliy tajriba yoki ilmiy salohiyatga ega bo'lgan obro'li fuqarolar qabul qilinadi.

Bunda, davlat organining markaziy apparati tarkibiy bo'linmalari rahbarlari yoki xodimlari hisoblanmagan Apellyatsiya kengashi a'zolari jami Apellyatsiya kengashi a'zolarining beshdan bir qismidan oshib ketmasligi lozim.

9. Quyidagi holatlarda Apellyatsiya kengashining raisi, rais o'rinbosari, kotibi va a'zolari uning tarkibidan chiqarilishi mumkin:

ular tomonidan Apellyatsiya kengashi tarkibidan chiqish to'g'risida ariza berilganda;

ular ishlayotgan tashkilot bilan tuzilgan mehnat shartnomalari bekor qilinganda;

Apellyatsiya kengashining majlislarida muntazam ravishda ishtirok etmaganda;

mazkur Nizomning 7-bandida nazarda tutilgan majburiyatlarni bajarmaganda;

sudning qonuniy kuchga kirgan hal qiluv qarori asosida ular muomalaga layoqatsiz, bedarak yo'qolgan yoki vafot etgan deb topilganda;

Apellyatsiya kengashining raisi, rais o'rinbosari, kotibi va a'zolari uning egallab turgan lavozimidan boshqa lavozimga o'tkazilganda yoki lavozimdan ozod etilganda kengash tarkibidan chiqarilgan hisoblanadi hamda uning o'rniga yangi tayinlangan xodim yoki o'rnini bosuvchi mas'ul xodim Komissiya tarkibiga kiradi.

10. Quyidagi hollarda Apellyatsiya kengashi a'zosi Kengash kun tartibiga kiritilgan masalalar yuzasidan majlisda ishtirok etishi mumkin emas va rad qilinishi lozim, agar u:

ishning natijasidan shaxsan, bevosita yoki bilvosita manfaatdor bo'lsa yoxud uning xolisligi va beg'arazligiga shubha tug'diradigan boshqa holatlar mavjud bo'lsa;

taraf yoki ishda ishtirok etuvchi boshqa shaxslarning qarindoshi bo'lsa.

11. Apellyatsiya kengashining raisi:

Apellyatsiya kengashi faoliyatiga rahbarlik qiladi va Kengash zimmasiga yuklatilgan vazifalarning bajarilishi uchun shaxsan javob beradi;

Apellyatsiya kengashining majlislarini chaqiradi va unda raislik qiladi;

Apellyatsiya kengashi vakolatiga taalluqli masalalarni uning ko'rib chiqishi uchun kiritadi;

davlat organlari, nodavlat notijorat tashkilotlari va xalqaro tashkilotlar bilan munosabatlarda Apellyatsiya kengashi nomidan ish ko'radi;

Apellyatsiya kengashi a'zolari o'rtasida vazifalarni taqsimlaydi;

Apellyatsiya kengashi nomidan xulosalarni, majlislar bayonnomalarini va boshqa hujjatlarni imzolaydi;

Apellyatsiya kengashi majlislari kun tartibini belgilaydi, Apellyatsiya kengashi va taraflarni chaqiradi;

Apellyatsiya kengashi tomonidan qabul qilingan xulosalarning ijrosini monitoring qiladi;

yuklangan vazifalarning bajarilishi bo'yicha Apellyatsiya kengashi a'zolari ishini muvofiqlashtiradi;

bojxona organining rasmiy veb-saytida va boshqa resurslarda joylashtiriladigan Apellyatsiya kengashining faoliyati to'g'risidagi ma'lumotlar mazmuni bo'yicha takliflar kiritadi va uni rahbariyat bilan kelishadi;

Apellyatsiya kengashi faoliyati samaradorligini oshirishga qaratilgan boshqa harakatlarni bajaradi.

12. Apellyatsiya kengashining raisi bo'lmagan taqdirda, uning vazifalarini rais o'rinbosari bajaradi.

13. Apellyatsiya kengashining kotibi:

murojaatlarni qabul qiladi va ro'yxatdan o'tkazadi;

Apellyatsiya kengashining navbatdagi majlisiga barcha zarur materiallar o'z vaqtida tayyorlanishini ta'minlaydi, davlat organi xodimlaridan zarur hujjatlar va ma'lumotlarni so'rab oladi;

kun tartibiga muvofiq Apellyatsiya kengashi majlislari o'tkazilishini tashkil etadi;

Apellyatsiya kengashi majlisi o'tkaziladigan sana, joy va taklif etiladigan shaxslar ro'yxatini Apellyatsiya kengashining raisi bilan kelishadi;

Apellyatsiya kengashining a'zolarini va taklif etilgan shaxslarni Apellyatsiya kengashi majlisi o'tkaziladigan joy, sana va vaqt haqida xabardor qiladi;

kun tartibidagi masalalarni ko'rib chiqish uchun zarur bo'lgan materiallarni Apellyatsiya kengashi a'zolariga tarqatadi;

Apellyatsiya kengashi xulosalarining bojxona organi tomonidan inobatga olinishi yoki rad etilishi holati ustidan monitoring olib boradi hamda uning natijalarini Apellyatsiya kengashi majlisida ko'rib chiqish bo'yicha takliflar kiritadi;

Apellyatsiya kengashi majlisining xulosasini va bayonnomasini rasmiylashtiradi hamda xulosaning Apellyatsiya kengashi a'zolari hamda boshqa manfaatdor shaxslarga jo'natilishini ta'minlaydi;

Apellyatsiya kengashining faoliyatini uslubiy, tashkiliy-huquqiy va tashkiliy-texnik jihatdan ta'minlash masalalarini hal qiladi;

Apellyatsiya kengashining samarali ishlashini ta'minlash bo'yicha boshqa vakolatlarni amalga oshiradi.

14. Apellyatsiya kengashida jismoniy va yuridik shaxslarning davlat organlari yoki mansabdor shaxslarning g'ayriqonuniy xatti-harakatlari (qarorlari) yoxud harakatsizligi natijasida o'z huquqlari va erkinliklari hamda qonun bilan qo'riqlanadigan manfaatlari buzilganligi haqidagi murojaatlari mazkur Nizomda belgilangan tartib asosida ko'rib chiqiladi.

Jismoniy va yuridik shaxslar nizoli masalani Apellyatsiya kengashida ko'rib chiqish uchun ushbu bojxona organiga yozma (elektron) tarzda murojaat qiladi.

Bojxona organining rahbari (yoki uning o'rinbosarlari) tomonidan murojaat uning muallifini xabardor etgan holda u kelib tushgan kundan boshlab bir kun ichida ko'rib chiqish uchun Apellyatsiya kengashiga yuboradi.

Bojxona organiga kelib tushgan takroriy murojaatlarda Apellyatsiya kengashi vakolatiga kiradigan masalalar keltirilgan bo'lsa, bojxona organi rahbari mazkur murojaatni ko'rib chiqish uchun Apellyatsiya kengashiga o'z tashabbusiga ko'ra ham jo'natishi mumkin.

Bojxona organiga kelib tushgan takroriy murojaat ko'rib chiqish uchun Apellyatsiya kengashiga jo'natilgan hollarda, bu haqda murojaat etuvchiga darhol yozma yoki elektron xabar yuboriladi.

15. Murojaat Apellyatsiya kengashiga kelib tushgan kundan e'tiboran o'n besh kun mobaynida, qo'shimcha o'rganish va (yoki) tekshirish, qo'shimcha hujjatlarni so'rab olish talab etilganda esa bir oygacha bo'lgan muddatda ko'rib chiqiladi.

Yuzaga kelgan nizoli holatni ko'rib chiqish uchun tekshirish o'tkazish, qo'shimcha materiallarni so'rab olish yoxud boshqa chora-tadbirlar ko'rish zarur bo'lgan hollarda, ularni ko'rib chiqish muddatlari Apellyatsiya kengashining raisi tomonidan, istisno tariqasida, ko'pi bilan bir oyga uzaytirilishi mumkin, bu haqda murojaat etuvchiga darhol yozma yoki elektron xabar yuboriladi.

16. Apellyatsiya kengashining a'zolari o'z majlislarida ko'rib chiqiladigan masalalarni muhokama qilish va hal qilishda o'z vakolatini boshqa shaxslarga o'tkazish huquqiga ega emas.

Apellyatsiya kengashining a'zolari:

o'z zimmlariga yuklatilgan vazifalarni bajarish uchun bojxona organi tomonidan tashkil etiladigan hay'at majlislarida va boshqa ommaviy tadbirlarda ishtirok etadi;

Apellyatsiya kengashi ish rejalarining loyihalarini tayyorlaydi, ularni Apellyatsiya kengashida ko'rib chiqish uchun kiritadi va tasdiqlangan ish rejaları bajarilishini ta'minlaydi;

Bojxona organi faoliyatining samaradorligini oshirish bo'yicha takliflar va tavsiyalarni ishlab chiqishda hamda amalga oshirishda qatnashadi;

Apellyatsiya kengashining kun tartibiga kiritilgan masalalar yuzasidan tahliliy materiallar tayyorlaydi;

Apellyatsiya kengashining vakolatiga kiradigan masalalar bilan bog'liq murojaatlarni ko'rib chiqadi va natijalari bo'yicha tegishli hujjatlarni tayyorlaydi;

Apellyatsiya kengashining zimmasiga yuklangan vazifalarga muvofiq boshqa vakolatlarni ham amalga oshiradi.

17. Apellyatsiya kengashi majlisi kun tartibining loyihasi kotib tomonidan Apellyatsiya kengashi a'zolarining takliflari va Apellyatsiya kengashi raisining topshirig'i asosida shakllantiriladi.

18. Apellyatsiya kengashining majlisini uning raisi olib boradi. Rais ishtirok eta olmagan holatlarda, majlisni uning o'rinbosari olib boradi.

Apellyatsiya kengashining majlisida bojxona organi rahbari, uning o'rinbosarlari va boshqa xodimlar ishtirok etishi mumkin.

Apellyatsiya kengashining majlislariga boshqa davlat organlari, nodavlat notijorat tashkilotlari, fuqarolik jamiyati institutlarining vakillari hamda murojaat etuvchi yoki uning vakili taklif etilishi mumkin.

19. Apellyatsiya kengashining majlisi, agar unda Apellyatsiya kengashi a'zolarining kamida uchdan ikki qismi (kvorum) ishtirok etgan taqdirda vakolatli hisoblanadi.

Majlisni o'tkazish uchun kvorum shakllanmagan taqdirda, Apellyatsiya kengashining yangi majlisi o'tkaziladigan sana e'lon qilinadi.

20. Apellyatsiya kengashining xulosasi majlisda ishtirok etayotgan Apellyatsiya kengashi a'zolarining oddiy ko'pchilik ovozi bilan qabul qilinadi. Ovozlar teng bo'lgan hollarda Apellyatsiya kengashi raisining ovozi hal qiluvchi ovoz hisoblanadi.

21. Apellyatsiya kengashining majlisida qabul qilingan qaror xulosa shaklida rasmiylashtiriladi. Apellyatsiya kengashi xulosasi majlisda ishtirok etgan barcha a'zolar tomonidan imzolanadi.

Xulosaga qo'shilmagan Apellyatsiya kengashi a'zosi xulosani imzolab, o'zining alohida fikrini yozma shaklda taqdim qiladi. Alohida fikr ish materiallariga qo'shib qo'yiladi.

22. Apellyatsiya kengashining majlis bayonnomasi kotib tomonidan imzolanadi va majlisga raislik qiluvchi tomonidan tasdiqlanadi.

23. Apellyatsiya kengashining xulosasi uch kun muddatda bojxona organi rahbariga ko'rib chiqish va boshqa manfaatdor taraflarga ma'lumot uchun yuboriladi.

Apellyatsiya kengashining xulosasi tavsiyaviy tusga ega bo'lib, xulosani qabul qilib olgan bojxona organi rahbari yoki uning o'rinbosari uni inobatga olishi yoki yozma asoslantirilgan tarzda rad etishi mumkin, tovarlarning bojxona qiymatini belgilash bo'yicha qabul qilingan xulosasi bundan mustasno. Bunda, bojxona organi rahbari yoki uning o'rinbosari qabul qilingan qaror to'g'risida uch kun muddatda Apellyatsiya kengashi va taraflarni yozma yoki elektron tarzda xabardor qiladi.

Apellyatsiya kengashining tovarlarni bojxona qiymatini belgilash to'g'risidagi xulosasi bojxona organlari tomonidan ijro etilishi majburiy hisoblanadi.

5-bob. Yakunlovchi qoidalar

24. Apellyatsiya kengashining faoliyatini moddiy-texnik jihatdan ta'minlash u tashkil etilgan tegishli davlat organining o'z mablag'lari,

shuningdek, qonun hujjatlarida taqiqlanmagan boshqa manbalar hisobidan amalga oshiriladi.

25. Apellyatsiya kengashining faoliyati mazkur Nizomga va boshqa qonun hujjatlariga muvofiq ekanligi u tashkil etilgan tegishli davlat organining rahbari tomonidan nazorat qilinadi.

Vazirlar
Mahkamasining
2024-yil “___”
oktabrdagi ___-son qaroriga
2-ilova

**Tadbirkorlik faoliyati subyektlarining bojxona sohasidagi
muammolarini o‘rganish va hal etish bo‘yicha Apellyatsiya
kengashi TARKIBI**

Kengash raisi

1. I. Muxtorov – Bojxona qo‘mitasi raisining birinchi o‘rinbosari

Kengash raisi o‘rinbosari

2. O. Ibragimov – Bojxona qo‘mitasi raisi o‘rinbosari

Kengash a‘zolari:

3. E. Xakimov – Targetlash va xavflarni monitoring qilish boshqarmasi boshlig‘i
4. U. Qasimov – Bojxona auditi boshqarmasi boshlig‘i
5. O. Xasanov – Valyuta nazorati va Notarif tartibga solish boshqarmasi boshlig‘i
6. A. Inyaminov – Bojxona to‘lovlari boshqarmasi boshlig‘i
7. A. Fozilov – Yuridik boshqarma boshlig‘i
8. Sh. G‘afurov – Investitsiyalar, sanoat va savdo vazirligi Tashqi savdo departamenti bo‘lim boshlig‘i

9. D. Xabibullayev – Savdo-sanoat palatasi Tashqi savdo va eksportga ko'maklashish boshqarmasi bosh mutaxassisi
10. E. Xalilov – Bojxona brokerlari assotsiatsiyasi raisi o'rinbosari
11. M. Bekmurotov – "O'zsanoatqurilishmateriallari" uyushmasi boshqarma boshlig'i o'rinbosari
12. M. Doniyev – "O'zeltexsanoat" uyushmasi bo'lim boshlig'i
13. *Lavozim bo'yicha – "O'zto'qimachilik sanoat" uyushmasi
14. *Lavozim bo'yicha – Farmatsevtika tarmog'ini rivojlantirish agentligi

Kengash kotibi

15. J. Isomurodov – Bojxona qo'mitasi bosh inspektori

**Apellyatsiya kengashining kun tartibidagi masaladan kelib chiqib, a'zolikka jalb etilishi mumkin.*

O'zbekiston Respublikasi Vazirlar Mahkamasi qarori
loyihasining
tartibga solish ta'sirini baholashdan o'tkazish bo'yicha

TSTB HISOBOT

1-bob. Umumiy ma'lumotlar

| | | |
|----|---|--|
| 1. | Ishlab chiquvchi va hamijrochi(lar)ning nomi | Iqtisodiyot va moliya vazirligi |
| 2. | Normativ-huquqiy hujjat loyihasining (bundan buyon matnda loyiha deb yuritiladi) turi va nomi | O'zbekiston Respublikasi Vazirlar Mahkamasining qarori loyihasi |
| 3. | Kutilayotgan kuchga kirish sanasi | Ushbu qaror rasmiy e'lon qilingan kundan e'tiboran kuchga kiradi |

2-bob. Loyiha bilan hal etilishi ko'zda tutilgan muammolarning tahlili

| | | |
|----|---|---|
| 4. | Muammo vujudga kelgan soha va uning huquqiy tartibga solinganlik holati va huquqni qo'llash amaliyoti | Amaldagi qonunchilik hujjatlari talablariga asosan bojxona organlarida mahalliy ishlab chiqaruvchilari yoki iqtisodiy tarmoqlardan ishlab chiqarilayotgan tovarlarning narx kalkulyatsiyasi haqidagi ma'lumotlarni olish hamda ulardan import qilinayotgan tovarlarni bojxona qiymatini belgilashda foydalanish bo'yicha aniq tartibga solingan mexanizm mavjud emas. |
| 5. | Loyiha bilan hal etilishi ko'zda tutilgan muammolarning tavsifi (shu jumladan, | O'zbekiston Respublikasida faoliyat olib borayotgan Savdo-sanoat palatasi, Bojxona brokerlari assotsiatsiyasi, "O'zsanoatqurilishmateriallari" uyushmasi, "O'zeltexsanoat" uyushmasi, "O'zto'qimachilik sanoat" uyushmasi, Farmatsevtika tarmog'ini rivojlantirish agentligi hamda ularga a'zo |

| | | |
|----|--|--|
| | muammo ta'sir ko'rsatayotgan obyektlar va/yoki subyektlar tahlili) | bo'lgan yirik ishlab chiqaruvchilarda mavjud ishlab chiqarilayotgan tovarlarning narx kalkulyatsiyasi haqidagi ma'lumotlarni olish orqali import qilinayotgan tovarlarning bojxona qiymatini monitoring qilib borish va haqqoniy bojxona qiymatini belgilash choralarini ko'rish. |
| 6. | Muammoning sabablari va uning mavjudligi tufayli kelib chiqqan (kelib chiqishi mumkin bo'lgan) salbiy oqibatlar to'g'risida ma'lumot | Bugungi kunda mahalliy ishlab chiqaruvchilarni qo'llab-quvvatlash hamda sog'lom raqobat muhitini yaratishda bojxona organlariga mamlakatimizda ishlab chiqarilayotgan tovarlarning narx kalkulyatsiyasi haqidagi ma'lumotlarni olish orqali import qilinayotgan tovarlarning haqqoniy bojxona qiymatini belgilash imkoniyati mavjud. |
| 7. | Davlat aralashuvining zaruriyati | Mazkur loyiha mahalliy ishlab chiqaruvchilari yoki TIF qatnashchilar faoliyatiga davlat aralashuvini vujudga keltirmaydi, shuningdek, ularga hech qanday huquqiy oqibat yoki majburiyat yuklamaydi. Vaholanki, narx kalkulyatsiyasi haqidagi ma'lumotlarni sog'lom raqobat muhitini yaratishga erishiladi. |

3-bob. Loyiha orqali erishilishi lozim bo'lgan maqsadlar

| | | |
|----|---------------|--|
| 8. | Umumiy maqsad | O'zbekiston Respublikasi hududida sog'lom raqobat muhitini shakllantirish. |
| | Maxsus maqsad | Import qilinayotgan tovarlarning haqqoniy bojxona qiymatini belgilashga erishish hamda monitoring qilib borish. |
| | Tezkor maqsad | O'zbekiston Respublikasidagi yirik ishlab chiqaruvchilardan ishlab chiqarilayotgan tovarlarning narx kalkulyatsiyasi haqidagi ma'lumotlarni olish orqali narx ma'lumotlar bazasini shakllantirish. |

** Ma'lumotlar manbalari: O'zbekiston Respublikasi Iqtisodiyot va moliya vazirligi huzuridagi Bojxona qo'mitasining avtomatlashtirilgan axborot tizimlari.*

4-bob. Tartibga solishning muqobil usullarining tavsifi

| 9. | Muammoni hal qilishda tartibga solishning muqobil usullari tavsifi (usullarning har biri muammoni qanday hal qilish mumkinligini ko'rsatgan holda): | |
|--|--|---|
| Usul nomi | Afzalliklari | Kamchiliklari |
| 1-usul: normativ-huquqiy hujjat bilan tartibga solinmagan munosabatlarni tartibga solish. | Bojxona organlari tomonidan mahalliy ishlab chiqaruvchilari yoki iqtisodiyot tarmoqlardan ishlab chiqarilayotgan tovarlarning narx kalkulyatsiyasi haqidagi ma'lumotlarni olish hamda ulardan import qilinayotgan tovarlarni bojxona qiymatini belgilashda foydalanish bo'yicha aniq tartib belgilash. | Bunda hech qanday kamchiliklar mavjud emas. |
| 2-usul: nosog'lom raqobat muhitining oldini olishning huquqiy asosini yaratish | Sohani tartibga solish orqali mahalliy ishlab chiqaruvchilarni qo'llab-quvvatlash hamda sog'lom raqobat muhitini shakllantirishga erishiladi. | Bunda hech qanday kamchiliklar mavjud emas. |
| ... | | |

5-bob. Tartibga solishning muqobil usullarining foyda va xarajatlar tahlili to'g'risida ma'lumot

| 10. | 1-usul qabul qilinishi natijasida kelishi mumkin bo'lgan foyda va xarajatlar tavsifi: | |
|-----------------------|---|--------|
| Xarajat va foyda turi | Miqdoriy ko'rsatkichlar | |
| | Bir martalik | Davriy |

| | | | |
|---------------------------------|----------------------------|--------------|--------------|
| Xarajat – talab etmaydi. | | Mavjud emas. | Mavjud emas. |
| Foyda – olinadi. | | | |
| Bevosita xarajatlar | | | |
| Xarajat turi | Manfaatdor tomon (soni) | Mavjud emas. | Mavjud emas. |
| Bilvosita xarajatlar | | | |
| Xarajat turi | Manfaatdor tomon (soni) | Mavjud emas. | Mavjud emas. |
| Ma'muriy sarf-xarajatlar | | | |
| Xarajat turi | Manfaatdor tomon (soni) | Mavjud emas. | Mavjud emas. |
| Bevosita foyda | | | |
| Foyda turi | Manfaatdor tomon (soni) | Mavjud emas. | Mavjud emas. |
| Bilvosita foyda | | | |
| Foyda turi | Manfaatdor tomon (soni) | Mavjud emas. | Mavjud emas. |
| Jami foyda va xarajatlar | | | |
| Foyda | | Mavjud emas. | Mavjud emas. |
| Xarajatlar | | Mavjud emas. | Mavjud emas. |
| Sof joriy qiymat | | Mavjud emas. | Mavjud emas. |

**Ma'lumotlar manbalari: (muqobil usullarning soni bo'yicha jadvallar qo'shilishi lozim)*

| | |
|-----|--|
| 11. | Foyda va xarajatlar tahlili natijasi bo'yicha tanlangan usulni asoslash |
| | Foyda olinadi. |
| 12. | Tartibga solinadigan manfaatdor tomonlar tahlili |

| Tadbirkorlik subyektlari | Soni | Ulushi (foizda) |
|-------------------------------------|-------------|----------------------------|
| Mikrofirmalar | - | - |
| Kichik korxonalar | - | - |
| Yirik korxonalar | - | - |
| Jami | - | - |

6-bob. Loyihaning raqobat muhitiga ta'siri

| | | |
|-----|---|--|
| 13. | Loyihaning raqobat muhitiga ta'sir ko'rsatishi mumkin bo'lgan oqibatlar (salbiy/ijobiy) tavsifi: | |
| | Tovar ishlab chiqaruvchi yoki xizmat ko'rsatuvchi xo'jalik yurituvchi subyektlarning (yetkazib beruvchilar) doirasi va sonini cheklashi (cheklamasligi) | Mazkur loyiha O'zbekiston Respublikasidagi ishlab chiqaruvchi yoki xizmat ko'rsatuvchi xo'jalik yurituvchi subyektlarning doirasi va sonini cheklamaydi. (ijobiy). |
| | Yetkazib beruvchilarning o'zaro raqobatlashish imkoniyatini chegaralashi (chegaralamasligi) | O'zaro raqobatlashish imkoniyatini chegaralamaydi. |
| | Yetkazib beruvchilarning bozor munosabatlarida o'zaro raqobatlashishga qiziqishini pasaytirishi (pasaytirmasligi) | Mazkur loyiha O'zbekiston Respublikasidagi yetkazib beruvchilarning bozor munosabatlarida o'zaro raqobatlashishga qiziqishini pasaytirmaydi (ijobiy). |
| | Iste'molchilar uchun kerakli axborotni tanlash imkonining chegaralanishi (chegaralanmasligi) | Mazkur loyiha O'zbekiston Respublikasining iste'molchilar uchun kerakli axborotni tanlash imkonining chegaralamaydi. |

7-bob. Loyiha qabul qilinishidan kutilayotgan natija

| | |
|-----|--|
| 14. | Loyiha qabul qilinishi natijasida erishiladigan maqsadlar va ko'rsatkichlar: |
|-----|--|

| Erishiladigan maqsadlar | Indikativ ko'rsatkichlar | Indikativ ko'rsatkichlarning o'lchov birligi | Indikativ ko'rsatkichlarni hisoblash usullari |
|--|--------------------------|--|---|
| O'zbekiston Respublikasi hududi orqali tamaki mahsulotlarni tranzimi tartibga solinadi | - | - | - |
| davlat budjetiga yetkaziladigan zararining oldini olishning | - | - | - |
| Norma ijodkorligi talablarini ta'minlash va huquqiy tartibga solishni rejalashtirish. | - | - | - |

8-bob. Tartibga solish maqsadlariga erishish uchun zarur bo'lgan chora-tadbirlar

| 15. | Tartibga solish maqsadlariga erishish uchun davlat organlari va tashkilotlari tomonidan amalga oshiriladigan tashkiliy, texnik, uslubiy va boshqa chora-tadbirlar: | | | |
|----------------------|--|-------------------------|-----------------------------------|--|
| Chora-tadbirlar nomi | Mas'ul ijrochi | Amalga oshirish muddati | Moliyalashtirish hajmi va manbasi | Amalga oshirish mexanizmi va kutilayotgan natija |
| Tashkiliy chora- | Iqtisodiyot va moliya | Ikki oy | Mablag' talab etilmaydi | Apellyatsiya kengashi ish jadvali va kun |

| | | | | |
|---------------------------------|---|--|--|------------------------------|
| tadbirlar amalga oshirish | vazirligi huzuridagi Bojxona qo'mitasi | | | tartiblarini ishlab chiqish. |
|---------------------------------|---|--|--|------------------------------|

**9-bob. Loyihaning jamoatchilik muhokamasidan o'tkazilganligi to'g'risida
ma'lumot**

| | | | |
|--|--|--|-------------|
| 16. | Loyihani jamoatchilik muhokamasidan o'tkazish natijalari to'g'risida ma'lumot: | | |
| Loyihani muhokama qilishning identifikatsiya raqami | | <i>Loyiha jamoatchilik muhokamasidan o'tkazilmasdan Adliya vazirligiga kiritish belgilandi.</i> | |
| Loyiha muhokamaga qo'yilgan davr | | Boshlanishi | Tugashi |
| | | - | - |
| Kelib tushgan takliflarni ko'rib chiqish natijasi | | | |
| Jami takliflar soni | | Qabul qilingan | Rad etilgan |
| - | | - | - |

10-bob. Taklif etilayotgan tartibga solishning asoslanganligini baholashga imkon beradigan boshqa ma'lumotlar

| | |
|--------------|-------------|
| 17. | Ma'lumotlar |
| Mavjud emas. | |

** Ma'lumotlar manbalari:*

18. Mazkur hisobotning to'g'riligi va keltirilgan ma'lumotlarning ishonchliligini tasdiqlayman.